

**Техник қўриқлаш пункти (ТҚП) орқали қўриқлаш хизмати  
кўрсатиш бўйича  
ШАРТНОМА**

Тошкент вилояти.

/ / -сон

2022 йил «19» 01

Ўзбекистон Республикаси Миллий гвардияси Қўриқлаш бош бошқармаси Тошкент вилояти Қўриқлаш бошқармаси номидан Низом асосида фаолият юритувчи бошқарма бошлиғи М.М.Мирзабеков (кейинги ўринларда «Ижрочи» деб юритилади) бир томондан, Чотқол давлат биосфера қўриқхонаси номидан «Устав» асосида фаолият юритувчи раҳбари Ж.Т.Дўстов (кейинги ўринларда «Буюртмачи» деб юритилади) иккинчи томондан, биргаликда «Томонлар» деб юритилади, мазкур Шартномани қуйидагилар ҳақида туздилар:

**1-боб. Шартноманинг предмети**

1. Ижрочи Миллий гвардия Қўриқлаш бош бошқармаси техник қўриқлаш пунктидан (кейинги ўринларда ТҚП деб юритилади) фойдаланган ҳолда Буюртмачининг мулкани қўриқлаш хизматини кўрсатиш мажбуриятини, буюртмачи эса мазкур шартнома шартларига асосан ўз вақтида кўрсатилган хизмат учун тўловларни амалга ошириш мажбуриятини олади.

**2-боб. Умумий шартлар**

2.1. Буюртмачи Паркент тумани, Сохил кўчаси 1-уйда жойлашган, телефон рақами 99-494-79-29 Чотқол давлат биосфера қўриқхонасига қарашли қуролхонасни ташвиш тугмаси орқали кундузги вақтда соат 10-00дан 16-00гача 06 (олти) соатга, дам олиш кунларисиз, ҳамда периметр орқали 24-00дан 24-00гача (йгирма тўрт) соатга дам олиш кунларисиз ижрочига топширади. Ижрочи Юқоричирчиқ туманлараро қўриқлаш бўлими 2-сонли техник қўриқлаш пункти орқали қўриқлаш учун қабул қилади ҳамда 2-дона шартли белгига техник хизмат кўрсатади.

2.2. Объектнинг техник мустаҳкамлиги тўғрисидаги, қўриқлаш ва ёнғиндан огоҳлантирувчи сигнализация (ҚЁОС) воситалари билан жиҳозланган жойлар, код билан маҳкамланадиган мосламалар ва бошқа маълумотлар мазкур шартноманинг ажралмас қисми ҳисобланган илова ва текширув далолатномасида кўрсатилади.

2.3. Объектнинг қўриқлаш техник воситалари билан таъминлаш Буюртмачи томонидан амалга оширилади. Бу воситаларнинг техник хизмати ва жорий таъмирланиши шартнома асосида Ижрочи инженер-техник ходимларига алоҳида тўлов орқали амалга оширилади. Объектни қўриқлаш ва ёнғиндан огоҳлантирувчи мосламалар схемаси шартномага илова қилинади.

2.4. Қўриқлаш тизимида амалда бўлган умумдавлат ҳужжатлари ва норматив актларига асосланган ҳолда объектнинг техник мустаҳкамлигини кучайтириш, қўриқлаш воситаларига тадбиқ этиш ва жорий этилган қўриқлаш тартибларига амал қилиш юзасидан кўрсатмалар Буюртмачи учун мажбурий ҳисобланади.

**3-боб. Тўловларни амалга ошириш**

3.1. Мазкур Шартнома бўйича кўрсатиладиган хизмат нархи ўрнатилган тариф асосида қўриқлаш пост-соат ҳисоби бўйича шартноманинг ажралмас қисми ҳисобланган ҳисоб-сметасида ҳисоблаб кўрсатилади.

Ижрочи хизматлари учун тўловларга ўзгартиришлар киритиш қонун ҳужжатларига мувофиқ ушбу хизматлар турига янги тарифлар тасдиқланган ҳолларда қайта кўриб чиқилади.

3.2. Буюртмачи кейинги ой бошланишидан 10 кун олдин ойлик тўловнинг 100% миқдоридagi пулни Ижрочининг ҳисоб рақамига ўтказиб беради.

3.3. Ижрочи хизмати учун ҳисоб-китоб қилишга ўз маблағлари бўлмаган ҳолда. Буюртмачи белгиланган муддатда юқори орган (ташкилотлар) марказлашган фондидан қўшимча маблағлар ҳисобига қарздорликни қоплайди.

3.4.Ижрочининг кўшимча хизматлари учун Ижрочи томонидан ҳисоб ёки билдириш берилганда Буюртмачи томонидан 10 кун муддатда пул ўтказиш йўли билан тўланади

#### **4-боб. Томонларнинг ҳуқуқ ва мажбуриятлари**

##### **4.1. Буюртмачининг мажбурияти ва ҳуқуқлари:**

4.1.1.Объектни ТҚПга улаш учун кўриқлашга соз ҳолдаги, АТСга уланган телефон тармоғини ажратади.

4.1.2.Кўриқлашга топшириладиган объектни техник мустаҳкамлигини таъминлаш мақсадида текширув далолатномаси юзасидан дераза, туйнук, эшик, қулф ва бошқаларни меъёрий талаблар асосида жиҳозлайди ва мустаҳкамлайди.

4.1.3.Ижрочи вакилларига, ушбу шартнома асосида олган мажбуриятларини бажариш учун эркин кириб чиқишига шароит яратади.

4.1.4 Объектни кўриқлашга топшириш ва қабул қилиш, калитларни сақлаш ва объектни очиб кўздан кечириш учун жавобгар шахсни тайинлайди.

4.1.5.Объектнинг калити йўқолиши оқибатида уни алмаштирилганда, шунингдек, унинг бутлиги бузилганлиги аниқланганда зудлик билан Ижрочига хабар беради.

4.1.6.Бегона шахсларга кўриқлаш ва сигнализация тизимини ҳамда пулт рақамларини ўзлаштирмаслиги учун уларни ошкор қилмайди.

4.1.7.Кўриқлаш сигнализация воситаларидан фойдаланиш қоидаларига қатъий риоя қилади. Объектни блокировка схемасига ўзгартиришлар киритмайди, ўз ихтиёри билан сигнализация воситаларини алмаштирмайди. Ижрочи юзага келган камчиликлар юзасидан ўз вақтида хабардор қилади.

4.1.8.Объектни кўриқлаш остига топширишдан олдин эшик, дераза, туйнукларни маҳкамланганлигига ишонч ҳосил қилади. Уларни доимий равишда соз ҳолда сақланишини таъминлайди.

4.1.9. ҚЎОС воситаларини ишчи ҳолатини текшириш учун кунига бир маротаба “Ташвиш” хабари бериш йўли билан, Ижрочини телефон орқали хабардор қилган ҳолда текширув ўтказиши.

4.1.10.Ҳисоб-сметаси асосида ўрнатилган тарифда кўриқлаш хизмати учун ҳар ойлик мажбурий тўловни амалга ошириб боради.

4.1.11.Кўриқлашнинг тўлов ҳисоби ва далолатномаси асосида қуйидаги тўловларни амалга оширади:

- объектда ўрнатилган объект ҳисобида бўлмаган ва унинг хатоси билан ишдан чиққан техник воситаларни таъмирлаш учун;

- объектга ўрнатилган кўриқлашга тегишли бўлган техник воситаларни таъмирлаш учун;

- сигнализация воситаларининг 5 (беш) йиллик фойдаланиш муддати ўтиб, мукамал таъмирлаш учун;

- ТҚПни модернизациялаштирилган кўриқлаш системасига ўтказилиши муносабати билан объектни замонавий техника воситалари билан алмаштириш учун;

- Буюртмачи айби билан берилган сохта ташвиш хабар учун (объектни НБП навбатчи бошқарув пулти) ни хабардор этмаган ҳолда кўриқлашдан чиқариш, телефон дастагини нотўғри ҳолатда қўйиш, мазкур шартноманинг 4.1.8.-банди талаблари бажарилмаганда) кўриқлаш нарядининг келишига, ҳар бир келиши бир ойлик тўлов ҳисобидан 15 % миқдорида жарима белгиланади.

4.1.12. Сигнализация воситалари учун уланган электр ва телефон тармоқларини ўз вақтида таъмирлаш чораларини кўради.

4.1.13.Объектни мазкур шартномада кўрсатилган тартибда белгиланган давомийликда ва муддатга марказлаштирилган кузатувга топширади.

4.1.14.Объектнинг техник мустаҳкамлигини ва ҚЎОС воситалари билан жиҳозланишини таъминлайди ва сақлайди.

4.1.15.Кўриқланаётган объект ва унинг периметрини тунги пайтларда керакли ёритиш мосламалари билан жиҳозлаб, ТҚП нарядларига мумкин даражада кўришни таъминлайди.

4.1.16.Кўриқланадиган объектни тоифасига қараб, девори, томи ҳамда деразалари ва эшикларини кўрсатилган меъёр даражасида бўлишини таъминлайди.

4.1.17.Кўриқланадиган объектда ўзининг кучи ҳисобидан ёнги хавфсизлиги тадбирларини ташкил этади ва таъминлайди.

4.1.18.Объект витриналарида қимматбаҳо товар-моддий маҳсулот намуналаридан кўйиш зарур бўлганида, улар ўрнига макетларини қўяди. Витриналарга қўйилган қимматбаҳо товар-моддий бойликларни уларнинг қиймати кўрсатилган ҳолда рўйхатга олиб, моддий жиҳатдан масъул киши томонидан имзоланади ва Буюртмачи муҳри билан тасдиқланади.

Мазкур рўйхатнинг бир нусхаси витринада, иккинчи нусхаси Буюртмачининг моддий жиҳатдан масъул шахсида, учинчи нусхаси Ижрочига берилади.

4.1.19.Сақлаш даврида пул маблағлари, қимматбаҳо тошлар, олтин, платинадан ишланган маҳсулотлар, тилла, платина, кумуш корпусли соатлар полга маҳкамланган сейфларда сақланади. Пул маблағлари, қимматбаҳо металл ва тошлардан бўлган маҳсулотларни сақлашда Ўзбекистон Республикаси Молия Вазирлиги ҳузуридаги Қимматбаҳо металллар кўмитасининг Давлат палатаси томонидан ва юридик шахсларнинг касса операцияларини юритиш Қоидалари билан белгиланган талаблар лимитидан юқори бўлса, сақлашга йўл қўймайди.

4.1.20.Кўриқланадиган объектга ўрнатилган ҚЕОС воситаларига Кўриқлаш ходимларини эркин ҳаракатини таъминлайди.

4.1.21.Ижрочи билан биргаликда бир (квартал) чоракда бир марта объектни техник мустаҳкамлиги, кўриқлаш техник воситалари, шу жумладан ҚЕОС воситалари билан жиҳозланганлигини текшириб, шу ҳақда масъул вакиллар имзоси қўйилган, Буюртмачи томонидан мавжуд камчиликларни бартараф қилиб, Ижрочига ахборот бериш учун муддати кўрсатилиб, далолатнома тузилади. Мазкур далолатнома шартноманинг ажралмас қисми ҳисобланади, унда кўрсатилган вазифалар бажарилади.

4.1.22.Текширув далолатномаси юзасидан объектнинг техник мустаҳкамлигини ошириш чора-тадбирларини бажаради, объектни кўриқланишини такомиллаштириш, ички ва кириб-чиқиш тартибини яхшилаш, моддий товар бойликларни сақланиши учун зарурий шарт-шароитлар яратади ва Ижрочига ўзининг вазифаларини ижро этиши учун кўмаклашади.

4.1.23.Объект худудида таъмирлаш ишлари ёки бошқа тадбирлар ўтказилиши, кўриқланадиган жойлар ва майдонларни ижарага топширилганлиги, эски кўриқланадиган жойларни ўзгартириш ёки янгисини вужудга келиши, мазкур объектни бошқа шахсларга топширилиши муносабати билан пост жойлашувлари ўзгартирилиши, қўшимча постлар қўйилиши, ҚЕОС воситалари билан жиҳозланиши лозим бўлган тақдирда, Буюртмачи бу ҳақда Ижрочига 15 кун аввал ёзма равишда билдиради.

4.1.24.Ижрочи томонидан ваколат берилмаган шахсларга, кўриқлаш ва ёнгиндан огоҳлантирувчи техник воситаларини техник кўриқдан ўтказиши ва таъмирлашга рухсат бермайди.

4.1.25.Объектни ТҚПга топширишдан камида 3 (уч) соат олдин ҚЕОС воситаларини созлигини, топширилишини назорат тариқасида текширади. Носозлик аниқланганда зудлик билан хизмат кўрсатадиган электр таъмирловчини чақиради ва бу борада Ижрочига хабар беради.

4.1.26.Объект, ҚЕОС воситалари билан жиҳозланган ҳар бир алоҳида хоналарни кўриқлаш постига, шунингдек ТҚП кўриғига кунда топшириб боради, эшикларнинг қулфлари, деразаларни, туйнукларни ва люкларни ёпилиши, кўриқлаш сигнализация воситалари ва тунги ёритиш воситаларини ҳолатини текширади, кўриқланадиган хоналарда ўчирилмаган электр мосламалар, бошқа ёнгинга олиб келувчи мосламаларни

ёқилган ҳолда қолиб кетмаслигини ва бегоналар бўлишининг олдини олади. объектни топширилиши тўғрисида ТҚПга 5 (беш) дақиқадан кейин хабар тушгандан сўнг объект кўриқлашга олинганлиги тўғрисида ишонч ҳосил қилинади.

4.1.27.Объектга бегона шахслар томонидан объект ёки алоҳида хоналарга кириш оқибатида унинг бутлигига таҳдид қилинганлиги ва содир этилган моддий зарар тўғрисида Ижрочига хабар бериб, Ижрочи вакиллари келгунга қадар воқеа жойини дахлсизлигини таъминлайди.

4.1.28.Ижрочи томонидан белгиланган мажбуриятлар тўлиқ бажарилмаганлиги натижасида етказилган зарар миқдорини аниқлайди ва моддий товар бойликларни ҳисобини олиб бориш учун кўриқлаш ходими иштирокида моддий товар бойликларни қолдиғи ҳисобланади, шунингдек, Ижрочига барча ҳужжат ва маълумотлари тақдим этади.

#### **4.2.Ижрочининг ҳуқуқ ва мажбуриятлари:**

4.2.1.ТҚП кўригига топшириладиган объектнинг техник мустаҳкамлиги текширилиб, унинг ҚЁОС воситалари билан жиҳозланиши лозим бўлган жойларга қараб далолатнома тузади.

4.2.2.Объектда ҚЁОС воситаларини мажбурий жиҳозланиш жойларини белгилайди.

4.2.3.Объектга ҚЁОС воситаларини жиҳозланишини тавсия этади, объектнинг заиф жойларини ҚЁОС воситалари билан жиҳозланиши объект томонидан бажарилмаган тақдирда, шартноманинг ажралмас қисми ҳисобланган иловада белгилаб қўйилади.

4.2.4.Объектни техник мустаҳкамлиги далолатномасига асосан объект ҳисобидан ҚЁОС воситалари билан жиҳозлайди ва телефон алоқаси орқали пултга уланади, пулт маълумотномаларини тақдим этади.

4.2.5.Объектдаги ҚЁОС воситаларини ҳар 5 (беш) йилда тўлиқ мукамал таъмирлайди.

4.2.6.Объект билан келишилган ҳолда объектга қўшимча ҚЁОС воситаларини ўрнатилдиган тақдирда, томонлар ушбу Шартномага қўшимча келишув тузадилар ва объект ушбу бажариладиган ишлар ҳақини ўрнатилган тартибда аввалдан пул тўловини тўлагандан кейин амалга оширади.

4.2.7.Ўрнатилган тартибда объектни кўриқлашга олишда сигнализация воситалари ёрдамида ТҚПга уланиши ҳамда ўз вақтида кўриқлаш нарядини ташвиш хабари бўйича етиб боришини таъминлайди.

4.2.8.Объект кўриқлашда бўлган вақтда объектга рухсатсиз кирган шахсни қўлга олиш чорасини кўради.

4.2.9.Хўжалик идораси ходимларига ҚЁОС воситаларини ишлатилишини ўргатиб, бу борада йўриқномалар беради.

4.2.10 Ҳар бир тушган сохта ташвиш хабари бўйича далолатнома тузилиб, объект очилиб кўриқдан ўтказилиб, тузилган далолатноманинг бир нусхаси Буюртмачига берилади.

4.2.11.Сигнализация воситаларини 5 (беш) йил ишлатилгандан кейин мукамал таъмирланишини амалга оширади.

4.2.12.Хизмат ҳақи тарифи ўзгарган ҳолда Буюртмачини хабардор қилади.

4.2.13.Мазкур Шартномани тўхтатиш ёки бир томонлама бекор қилиниши куйидаги ҳолларда амалга оширилади:

а) Буюртмачи 2 (икки) ойдан ошқ кўриқлаш хизмати учун тўловларни тўламаганда;

б) Ижрочи томонидан техник сабабларга кўра ўз мажбуриятларини бажара олмасликлари туфайли (телефон рақами ўзгарганда, телефон ўчирилганда, ТҚП тугатилганда);

в) Буюртмачини номи ўзгариб, Ижрочини бундан хабардор қилмаганда;

г) Мазкур шартноманинг 4.1.2., 4.1.3., 4.1.5., 4.1.7., 4.1.8., 4.1.16.-бандлари бузилганда, 4.2.14. Телефон ўчирилганда ёки носоз бўлган ҳолда, электр манбаи ўчирилганда ТҚП жойи ўзгарганда объект қўриқлашга қабул қилинмайди ва бу ҳақда Буюртмачини ёзма ёки телефон орқали хабардор этади.

## **5-боб. Томонларнинг жавобгарлиги**

### **5.1. Буюртмачининг жавобгарлиги :**

5.1.1. Мазкур Шартноманинг 3.1.-бандида кўрсатилган сумманинг Буюртмачи томонидан ўз вақтида тўлмаганлиги учун Буюртмачи Ижрочига ўтказиб юборилган ҳар бир кун учун кечиктирилган тўлов суммасининг 0,4 фоизи миқдорида, аммо кечиктирилган тўлов суммасининг 50 фоизидан ортиқ бўлмаган миқдорда пеня тўлайди.

5.1.2. Объектни қўриқлаш даврида:

мазкур шартноманинг 4.1.2., 4.1.5., 4.1.6., 4.1.7., 4.1.8., 4.1.12., 4.1.14., 4.1.15., 4.1.16., 4.1.19., 4.1.20., 4.1.23., 4.1.24., 4.1.25., 4.1.26., 4.1.27.-бандларида кўрсатилган талаблар Буюртмачи томонидан бажарилмаганлиги оқибатида жавобгарликни ўз зиммасига олади.

### **5.2. Ижрочининг жавобгарлиги**

5.2.1. Ижрочи мазкур шартнома кўрсатилган мажбуриятларини лозим даражада бажармаганлиги натижасида Буюртмачига етказилган зарар учун моддий жавобгар бўлади.

Ижрочининг айби билан зарар етказилганлиги аниқланган ҳолларда зарар тўлиқ миқдорда қопланади.

Ижрочининг айби билан етказилган зарарнинг миқдорини аниқлаш учун томонлар вакилларидан иборат комиссия тузилиши мумкин. Бунда, зарар миқдори тегишли ҳужжатлар билан расмийлаштирилиб, комиссия аъзолари томонидан тасдиқланади. Низомавжуд бўлган тақдирда зарар миқдори суднинг қарори билан аниқланади.

### **5.3. Қуйидаги ҳолатларда келтирилган моддий-зарарлар учун Ижрочи жавобгар ҳисобланмайди:**

Пул маблағлар Буюртмачининг объектда қолдиришга ҳаққи бўлмаган ҳолатда, белгилангандан ортиқ миқдорда қолдирилса, шунингдек пул маблағлари сейф ёки полга маҳкамланган металл шкаф (кути) ларда сақланмаган бўлса, ўғирланса ёки талончилик қилинса;

фуқароларнинг шахсий мулклари ўғирланса;

бино ёпилиши ёки қўриқлаш учун қабул қилинишидан олдин кириб олган шахс томонидан ўғирлик ёки талончилик содир этилса;

товар-моддий бойликларнинг ўғирланиши ёки талончилик қилинишида;

бу бошқа мулкдорники бўлиб, у қўриқланаётган хонани ижарага олиб қўриқлаш учун мустақил шартнома тузилмаган бўлса;

агар Буюртмачи томонидан қўриқлаш сигнализацияси ёқилмагани сабаб бўлса, объектни қўриқлашга топширмаган ёки қўриқлаш воситаларининг носозлиги ҳақида маълум қилмаган бўлса, шунингдек бошқа техник сабабларга кўра қўриқлаш олиб борилмаган бўлса;

шартноманинг 4.1.20.-банди талаблари бузилса, жихозланган витриналардан ўғирланса ёки талончилик қилинса.

Буюртмачи томонидан кўрсатилган муддатларда Объектни техник мустаҳкамлигидаги талабларни ва мазкур шартноманинг 4.1.5., 4.1.6., 4.1.8., 4.1.16., 4.1.24., 4.1.25.- бандлари бажарилмаганлиги оқибатида ўғирлик содир этилса.

### **6-боб. Низоларни ҳал қилиш тартиби**

6.1. Мазкур шартномани тузиш, бажариш, ўзгартириш ва бекор қилиш вақтида тарафларни ўртасида келиб чиқадиган низолар, шунингдек етказилган зарарни қоплаш тўғрисидаги низолар қонун ҳужжатлари белгиланган тартибда иқтисодий суд томонидан кўриб чиқилади.

## 7-боб. Форс-можор

7.1.Томонлар ушбу шартнома бўйича мажбуриятлар қисман ёки тўлиқ бажарилмаганлиги учун, агар ушбу бажармаслик шартнома тузилгандан кейин пайдо бўлган, энгиб бўлмайдиган куч, яъни фавқулодда ва муайян шароитларда олдини олиб бўлмайдиган вазиятлар (форс-можор) оқибати ҳисобланса, жавобгарликдан озод қилинади.

7.2.Энгиб бўлмайдиган уч ҳолатига ҳавола қилувчи Томон бошқа Томонни бундай ҳолатлар бошланганлиги ва тамом бўлганлиги тўғрисида икки кун ичида ёзма шаклда хабардор қилиши шарт. Ушбу муддат ичида хабар бермаган Томон мазкур шартнома бўйича ўз мажбуриятларини бажармаганлиги учун жавобгарликдан озод қилиш асоси сифатида кўрсатишга ҳақли эмас.

7.3.Форс-мажор ҳолатларига сув тошқинлари, ер қимирлаши ва бошқа табиий ҳалокатлар, шунингдек эпидемиялар, ёнғинлар, портлашлар, давлат ҳокимияти бошқаруви органларининг мазкур шартнома ижросига бевосита таъсир кўрсатган қарорлари киради.

7.4.Мазкур шартнома бўйича мажбуриятларни бажариш муддати энгиб бўлмас куч ҳолатлари амал қилган даврга мутаносиб равишда кечиктирилади. Агарда форс-мажор уч ой давом этса Томонлар мазкур шартномани бир томонлама бекор қилишга ҳақли.

## 8-боб. Яқуний қоидалар

8.1.Мазкур шартнома имзоланган кундан бошлаб кучга киради.

8.2.Мазкур шартнома бюджет ташкилотлари ёки бюджет маблағлари олувчилари билан тузилганда ғазначилик бўлинмаларида рўйхатдан ўтказилгандан сўнг кучга киради.

8.3.Мазкур шартномага ҳар қандай ўзгартириш ва қўшимчалар ёзма шаклда тузилганда ҳамда Буюртмачи ва Ижрочининг вакиллари томонидан имзоланган тақдирда ҳақиқийдир.

8.4.Томонлар мазкур шартномани ўзгартириш ёки бекор қилиш ҳақидаги таклифга иккинчи тарафдан рад жавоби олганидан кейингина ёки ўттиз кунлик муддатда жавоб олмаганидан кейин, шартномани ўзгартириш ёки бекор қилиш тўғрисидаги талабни судга тақдим этиши мумкин.

8.5.Шартноманинг амал қилиш муддати қуйидагича белгиланади:

хўжалик юритувчи субъектлар бўйича-Томонлар тарафидан имзоланган кундан бошлаб 1 йил муддатга тузилади ва томонлар имзолаган кундан кучга киради;

бюджет ташкилотлари ва бюджет маблағлари олувчилари бўйича-белгиланган тартибда ғазначилик бўлинмаларида рўйхатдан ўтказилган кундан 2022 йилнинг 31 декабрь куни охиригача.

Буюртмачи хўжалик юритувчи субъект бўлган тақдирда Буюртмачи мазкур шартномани бекор қилиш ҳақида Ижрочига шартнома муддати тугашидан 15 кун олдин маълум қилмаса, мазкур шартноманинг амал қилиш муддати худди шу муддатга ва худди шу шартларга узайтирилган ҳисобланади.

8.6.Агар техник қўриқлаш воситалари Буюртмачининг айби билан ишдан чиққан, капитал ёки жорий таъмирлашни талаб қилса, бироқ Буюртмачи бунга рад этса, Ижрочи Буюртмачига етти кун олдин ёзма маълум қилган ҳолда алоҳида объектларни қўриқлашни рад этиши мумкин.

8.7.Буюртмачи кетма-кет уч марта мазкур шартноманинг 3.1.-бандида кўрсатилган тўловни белгиланган муддатда тўламаса, Ижрочи мазкур шартномани Буюртмачини ёзма равишда огоҳлантирган ҳолда бир томонлама бекор қилишга ҳақли.

8.8.Томонлар мазкур шартномани муддатидан олдин бекор қилиш тўғрисида 15 кун олдин ёзма равишда маълум қилади.

8.9. Объектнинг хусусиятидан келиб чиқиб Томонлар мазкур шартномага қонун ҳужжатларига мувофиқ ҳуқуқ ва мажбуриятларини назарда тутувчи қўшимча бандлар киритишлари мумкин.

8.10. Ушбу шартнома кучга киргандан сўнг 2021 йил 01.04 даги 915 -сонли шартнома ўз кучини йўқотади

**9-боб. Томонларнинг юридик манзиллари ва реквизитлари**

**«ИЖРОЧИ»**

**«БУЮРТМАЧИ»**

**Ўз.Р Миллий гвардияси ҚББ**

**Тошкент вилояти Қўриқлаш бошқармаси**

Қибрай тумани, Салар қўрғони, Зиёкорлар-1 кўчаси, 50-уй.

Х/р 21596000900189870001, ИНН 200524244,

ОКЭД 84240, МФО 00025

Ўз.Р Марказий Банки Тошкент вилояти

ББХКМ

**Бошқарма бошлиғи**

**М.М.Мирзабеков**



ТҚМ бошлиғи  
капитан

А.Х.Ғойибназаров

Чотқол ДБК  
Тошкент вилояти Салар қўрғони 10-кўча 50-уй  
ш.в.б / 0002186027297042203144001  
Миллий Ғойибназаров ИИВ 200520856  
х/р 23402000300100001010 ИИВ 20112281  
Чотқол давлат биосфера қўриқхоаси

**рахбари**

**Ж.Т.Дўстов**

*Handwritten signature in blue ink.*

2022-йил « 19 » 01 даги  
1 -сонли шартномага илова.

«ТАСДИҚЛАЙМАН»

Ўзбекистон Республикаси Миллий  
Гвардияси Тошкент вилояти Қўриқлаш  
Бошқармаси бошлиғи

М.М.Мирзабеков

« 19 » 01 2022-йил.

«КЕЛИШИЛГАН»

Чоғқол давлат биосфера кўриқхоаси  
раҳбари

Ж.Т.Дўстов

« 19 » 01 2022-йил.

Чоғқол давлат биосфера кўриқхоаси  
ХИСОБ В А Р А Қ А С И  
(01 сентябр 2021 йилдан)

т/р	Кўриқлаш тури	Постлар сони	Бир кунлик кўриқлаш вақти	Бир ойлик кўриқлаш вақти	Бир соатда тўланадиган нархи (сўм)	Ўрнатилган шартли бирлик (сўм)	Кўриқлаш учун бир ойда тўланадиган харажат (сўм)	Кўриқлаш учун жами бир ойда тўланадиган харажат (сўм)
1	ТҚП	куролхона	24 соат дам олиш кунисиз	730 соат	6256	1x29547 = 29547	730x6256=4566880	4596427 сўм
2	ТҚП	куролхона	6 соат дам олиш кунисиз	182	3128	1x29547 = 29547	182x3128=569296	598843 сўм
	Жами					59094	5136176	5195270 сўм

Жами хар ойма 5195270 ( беш миллион бир юз тўқсон беш минг икки юз емиш сўм)  
Жами уч ойма 15585810 ( ўн беш миллион беш юз саксон беш минг саккиз юз ўн сўм)

1) Хизмат кўрсатиш нархлари Ўз.Рес. Молия Вазирлиги ва Ўзбекистон Республикаси Миллий Гвардияси томонидан тасдиқланган тарифлар асосида ҳамда Ўзбекистон Республикасидаги минимал ойлик миқдори билан белгиланди.

Ўзбекистон Республикаси Миллий

Гвардияси Тошкент вилояти Қўриқлаш

Бошқармаси МИБ булими бошлиғи

Чоғқол давлат биосфера кўриқхоаси  
бош ҳисобчиси

« 19 » 01 2022-йил

« 19 » 01 2022-йил.